



Kajitōk im Uwaak ko an kein joñjoñ kāāl

Kein joñjoñ kāāl ikijen uwōta enaj jibañ armij in Oregon bed ilo kejbarok ilo ien winter im spring. Mōttan jidik etōbar wā in bōbrae ko an COVID-19. Bōtab mae ien eo, im mae ien eo jenaj tōbar ien eo ejab bidodo ad nañinmij jenaj aikuj wōnmaanlok kin kiltōn kein ñan kadiklok an ajeded nañinmij eo.

K: Etke Oregon ej oktak jen alen ko ñan kein joñjoñ eo ekāāl?

U: Aen ko rar jab kōmelim an lab emmakūtkūt. Kein joñjoñ kāāl eo ebidodo lok an maroñ kōmman oktak.

K: Ewi wāween an kein joñjoñ kāāl eo jermal?

U: Ñan melele wāween an jermal kein joñjoñ eo ekāāl, enaj jibañ ad jelā jilu men ko:

1. Kein joñjoñ kāāl eo enaj ekkar ñan [melele in bōnōbōn ko an jikuul ko](#).
2. County ko 36 ilo Oregon emōj ajeji ñan jilu kumi ko ñan kein joñjoñ eo:
 - County ko relab im elōñlok jen 30,000 armij rej jokwe ie
 - County ko ebwe joñan im elōñ ikōtaan 15,000 im 30,000 armij rej jokwe ie
 - County ko redik im elōñ eietlok jen 15,000 armij rej jokwe ie
3. Kein joñjoñ kāāl eo ej ajej uwōta ñan emen laajrak ko ekkar ñan an ajeded COVID-19:
 - Ediklok Joñan Uwōta
 - Ebwe Joñan Uwōta
 - Elab Joñan Uwōta
 - Elukkun Lab Joñan Uwōta

K: Ewi wāween aer naj likūt county ko ñan laajrak ko ekkar ñan uwōta?

U: Ñan county ko relab (wōran armij >30,000), joñan armij ro teej positive kin nañinmij eo ej mōttan juon jen ruo kein bōnōbōn ko emōj lōmnake ñan bwine laajrakin uwōta eo. Wāween eo juon ej joñan keij ñan kajojo 100,000 armij. Aoleben joñan eo renaj lōmnake enaj kowalok joñan eo elabtata an kamo. Innem, waan joñak, elañe Josephine

County ej bed ilo laajrakin eo Ebwe kin wōran im laajrak eo Elab ñan bōjjāān in teej ko rej positive, innem county eo enaj bed ilo laajrakin kamo eo elabtata, laajrakin Elab.

Ñan county ko rebed ilo joñan eo ebwe (wōran armij 15,000 ñan <30,000), joñan teej ko rekar positive ej mōttan juon jen ruo bōnōbōn ko naj lōmnaki ñan bwine joñan uwōta eo. Bōnōbōn eo juon ej wōran keij ko. Aoleben joñan eo renaj lōmnake enaj kowalok joñan eo elabtata an kamo.

Ñan county ko redik (joñan armij<15,000) joñan wōt keij ko emōj lōmnaki ñan lale laajrakin uwōta eo.

K: Ewi joñan ikut in an juon county maroñ emakūt jen juon laajrakin uwōta ñan bar juon?

U: Melele jen bōnōbōn ko an jikuul rej bōke aoleb Mande im kōjerbale ñan lale laajrakin uwōta eo an juon county. Kwōmaroñ loe ilo website eo an OHA kin COVID-19.

Wiik eo kein kajuon ej “wiik in lewaj kōjellā.” Ejellok emakūt ilo county ko im ejellok otkak ko ilo mab eo an joñan uwōta ilo website ko an OHA im [obij eo an Governor eo.](#)

Wiik eo kein karuo ej “wiik in kōmadmōd.” Rej bar bōk melele ko ilo raan in Mande. Obij eo an Governor eo ej kōjellāik county ko elañe rej katmāne renaj emakūt jen juon laajrakin uwōta ñan bar juon ekkar ñan melele kāāl ko. Obij eo an Governor eo ej bareinwōt jilkinlok juon enaan in kajeded kin jabdewōt otkak ko. County eo ej karōk an emakūt ñan laajrakin uwōta eo ekāāl ilo jemlokin wiik eo.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak Jikin Melele in Eymour eo ilo 1-971-673-2411, 711 TTY ak COVID19.LanguageAccess@dhsosha.state.or.us